



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DCCCCX. ad annum MLXXIII.

Parisiis, 1644

IX. Quod sancti Spiritus gratia compunctus abbatem & monachos in nouo
constituit monasterio.

urn:nbn:de:hbz:466:1-15625

138 MONACHORVM HYDENSIVM LEGES

rent, qui vicariis vitiorum n̄uis contaminati, non agentes quā Deus iubendo volebat, omnia quā nolebat rebelles faciebant, audius inquisitor aduertens gratos Domino monachorum cuneos, qui pro nobis incunctanter intercederent, nostri iuris monasteriis deuotus hilariter collocaui.

IX.

Quod sancti Spiritus gratia compunctus abbatem & monachos in novo constituit monasterio.

Hac itaque ratione sancti Spiritus attractus flamine, locum Domini mundans Vvintoniensis ecclesiæ noui monasterii arcisterium nostro Saluatori eiusque genitrici semper virginī Mariæ, & omnibus apostolis, cum ceteris sanctis, dicatum restaurauit. Sciens scriptum: Consentientes & facientes pari constringuntur poena rebellionis, Omnipotentis voluntati obuiantes. Possessionem Domini usurpare non sustinens, clericos lasciuientes repuli, ac veros Dei cultores monachico gradu fungentes, qui pro nostris nostrorumque inibi quiescentium excessibus sedulo intercederent seruitio, quo eorum intercessionibus nostri regiminis status vigeret munitus, abbatem Christo cooperante eligens Altithrono subiectus illic deuote ordinauit. Hoc subnixe efflagitans deposco, vt quod in suis egi, hoc agat in mihi ab ipso collatis: scilicet aduersarios nostros deiiciens, amicos sublimando prouehat, vt inimicos sanctæ Dei ecclesiæ deprimens, amicos eius monachos videlicet beatificans iustificaui.

X.

De illorum anathemate qui monachis infidiantur.

Si autem qualibet occasione, diabolo instigante, contigerit, vt fastu superbientis arrogantiæ deiecti canonici monachorum gregem, quem ego venerans cum pastore in Dei constitui possessione, deiicere insidiando voluerint, agatur de eis & de omnibus qui quolibet munere cæcati iuuamen eis impenderint quod actum est de angelis superbientibus, & de protoplasto diaboli fraude seducto, vt paradisi videlicet limitibus sublimibusque regni cælorum sedilibus eiecti cum iis qui Domini famula-